

KinyaRwanda - Humure Ibyanditswe - Comfort Scriptures

2 Abanyakorinti 1:2-4 Ubuntu bube muri mwe n'amahoro biva ku Mana Data wa twese no ku Mwami Yesu Kristo. 3 Hashimwe Imana y'Umwami wacu Yesu Kristo ari yo na Se, ari na yo Data wa twese w'imbabazi n'Imana nyir'ihumure ryose, 4 iduhumuriza mu makuba yacu yose kugira ngo natwe tubone uko duhumuriza abari mu makuba yose, tubahumurisha ihumure twahawe n'Imana,

Imigani 15:13 Umutima unezerewe ukesha mu maso, Arikо umutima ubabaye utera ubwihebe.

1 Bami 8:66 Ku munsi wa munani umwami asezerera abantu, bamusabira umugisha basubira mu mahema yabo bishima, imitima yabo inejejwe n'ineza yose Uwiteka yagiriye umugaragu we Dawidi, n'ubwoko bwe bwa Isirayeli.

1 Amateka 16:10 Mwirate izina rye ryera, Imitima y'abashaka Uwiteka yishime.

Imigani 12:25 Amaganya yo mu mutima atera umuntu akiyumviro, Arikо ijambo ryiza risusurutsa uwo umutima.

Imigani 13:12 Ubwiringiro burerezwe butera umutima kurwara, Arikо iyo icyifujwe kibonetse kiba igitи cy'ubugingo.

Ezayi 30:26 Umwezi w'ukwezi uzamera nk'umucyo w'izuba, kandi umucyo w'izuba uzongerwa karindwi uhwane n'umucyo w'iminsi irindwi, ubwo Uwiteka azapfuka ibisebe byabantu be akavura n'inguma zabo.

Hoseya 13:8 nzabatera meze nk'idubu yambuwe ibibwana byayo, nzacagagura inkanizo z'umutima wabo, kandi nzahabaconshomerera nk'intare y'ingore, inyamaswa z'inkazi zizabatanyagura.

1 Samweli 1:8,10 Maze umugabo we Elukana aramubaza ati "Urarizwa n'iki Hana? Ni iki kikubuza kurya, kandi ni iki kiguagarika umutima? Mbese sinkurutira abana b'bahungu cumi?" 10 Arikо Hana yasenganaga Uwiteka agahinda, arira cyane.

Zaburi 25:16,17 Unkebuke umbabarire, Kuko ntagira shinge na rugero nkababara. 17 Imibabaro y'umutima wanje uyoroshye, Nuko unkure mu makuba yanje no mu byago byanje.

Zaburi 34:19 Uwiteka aba hafi y'abafite imitima imenetse. Kandi akiza abafite imitima ishenjaguwe.

Zaburi 38:8 Kuko ikiyunguyungu cyanje cyuzuye umuriro, Kandi nta hazima mu mubiri wanje.

Zaburi 55:4 Umutima wanje urambabaza cyane, Ubwoba bwinshi bunguyeho nk'ubw'utinya urupfu.

Zaburi 61:3,4 Mpagaze ku mpera y'isi nzajya ngutabaza, Uko umutima wanje

uzagwa isari. Unshyire ku gitare kirekire ntakwisyiraho, 4 Kuko wambereye ubuhungiro, N'igihome kirekire kinkingira umwanzi.

Zaburi 62:9 Mwa bantu mwe, mujye tuyiringira, Ibyo mu mitima yanyu mubisuke imbere yayo, Imana ni yo buhungiro bwacu. Sela.

Zaburi 73:26 Umubiri wanje n'umutima wanje birashira, Arik Imana ni yo gitare umutima wanje uhungiraho, Kandi ni yo mugabane wanje iteka ryose.

Zaburi 77:3,4 Ku munsi w'umubabaro wanje nashatse Umwami Imana, Nijoro nayitegeye amaboko sinacogora, Umutima wanje wanga kumarwa umubabaro. 4 Nibuka Imana ngahagarika umutima, Ndaganya umutima wanje ukagwa isari. Sela.

Zaburi 86:11 Uwiteka, ujye unyigisha inzira yawe, Nanje nzajya ngendera mu murava wawe. Teraniriza hamwe ibiri mu mutima wanje, Ngo wubahe izina ryawe.

Zaburi 109:22 Kuko ndi umunyamubabaro n'umukene, Kandi umutima wanje ukomerekeye muri jye.

Zaburi 112:7,8 Ntazatinya inkuru mbi, Umutima we urakomeye wiringiye Uwiteka. 8 Umutima we urahamye ntazatinya, Kugeza aho azabonera ibyo ashakira abanzi be.

Zaburi 143:4 Ni cyo gitumye umwuka wanje ugwira isari muri jye, Umutima wanje ukumirirwa muri jye.

Zaburi 147:3 Akiza abafite imitima imenetse, Apfuka inguma z'imbabaro yabo.

Imigani 14:30 Umutima utuje ni wo bugingo bw'umubiri, Arik ishyari ni nk'ikimungu kiri mu magufwa.

Umubwiriza 1:13 Nakomeje umutima wanje gushaka no kugenzurisha ubwenge, kugira ngo menye iby'ibintu byose bikorerwa munsi y'ijuru, n'umuruho mubi Imana yahaye abantu ngo bawuruhe.

Umubwiriza 2:10 Kandi sinimye amaso yanje icyo yifuza cyose, nta n'umunezero wose nimye umutima wanje, kuko umutima wanje wishimiraga imirimo yanje yose. Ibyo ni byo byari ingororano z'imirimo yanje yose.

Umubwiriza 2:22,23 None se umuntu akura iki mu miruho ye yose, no mu byo umutima we washishikariye munsi y'ijuru? 23 Kuko iminsi ye yose ari agahinda, n'imiruho ye ari ishavu, ndetse na nijoro umutima we nturuhuka. Ibyo na byo ni ubusa.

Umubwiriza 11:10 Nuko rero ikure umubabaro mu mutima wawe, kandi utandukanye umubiri wawe n'ibibi bikube kure, kuko ubuto n'ubusore ari ubusa.

Ezayi 30:29 Nuko muzaririmba indirimbo nk'iyo baririmba nijoro ku munsi mukuru wera, muzagira n'umunezero wo mu mutima nk'uw'umuntu ufile umwironge, ajya ku musozi w'Uwiteka gusanga Igitare cya Isirayeli.

Ezayi 57:15 Nimwumve uko lyo iri hejuru cyane, ituye ahahoraho ivuga, izina ryayo ni Uwera ikavuga iti “Aho ntuye ni hejuru kandi harera. Mbana n'ufite umutima umenetse wicisha bugufi, kugira ngo mpembure imyuka y'abicisha bugufi, mpembure n'abafite imitima imenetse.

Ezayi 65:14 Dore abagaragu banje bazarimbishwa n'umunezero wo mu mitima naho mwebwe muzarizwa n'agahinda ko mu mutima, muborozwe n'imitima ibabaye.

Ezayi 66:13,14 Nk'uko nyina w'umwana ahumuriza umwana we, ni ko nzabahumuriza, muzahumuririzwa i Yerusalemu.” 14 Muzabibona kandi muzanezerwa mu mitima, n'amagufwa yanyu azamera nk'ubwatsi bw'uruhira, Uwiteka azerekana imbaraga ze mu bagaragu be, kandi abanzi be azabarakanira.

Yeremiya 15:16 Amagambo yawe amaze kuboneka ndayarya, maze ambera umunezero n'ibyishimo byo mu mutima wanje, kuko nitiriwe izina ryawe Uwiteka Mana Nyiringabo.

Yeremiya 24:7 Nzabaha umutima wo kumenya yuko ari jye Uwiteka, bazaba ubwoko bwanje nanje nzaba Imana yabo, kuko bazangarukira n'umutima wabo wose.’

Yohani 14:1 Ntimuhagarike imitima yanyu, mwizere Imana nanje munizere.

Yohani 14:27 Mbasigiye amahoro, amahoro yanje ndayabahaye. Icyakora simbaha nk'uko ab'isi batanga. Imitima yanyu ntihagarare kandi ntitinye.

Yohani 16:6 Arikokoko mbabwiye ibyo, imitima yanyu yuzuye agahinda.

Yohani 16:22 Ni ko namwe mubabara none, arikonzoongera kubonana namwe kandi imitima yanyu izanezerwa, n'umunezero wanyu nta muntu uzawubaka.

Ibyakozwe 2:46 Kandi iminsi yose bakomezaga kujya mu rusengeru n'umutima uhuye, n'iwabo bakamanyagura umutsima bakarya bishimye, bafite imitima itishāma

Abanyaroma 9:2 yuko mfite agahinda kenshi n'umubabaro udatuza mu mutima wanje.

2 Abanyakorinti 2:4 Nabandikiye mfite agahinda kenshi n'umubabaro mwinshi wo mu mutima, ndira amarira menshi. Icyakora si ukugira ngo mbatere agahinda, ahubwo ni ukugira ngo mumenye uburyo urukundo mbakunda ruhebuje.

Abanyaefezi 5:19 Mubwirane zaburi n'indirimbo n'ibihimbano by'Umwuka, muririmba mucurangira Umwami wacu mu mitima yanyu.